


Bydd Papur Y Plwyf yn son am ddigwyddiadau a phersonoliaethau yn ein cymuned. Os ydych am dderbyn copi, anfonwch eich cyfeiriad e-bost at papuryplwyf@hotmail.co.uk

Canlyniadau diweddar yn awgrymu canlyniad etholiad sir agos yn Llangynnwr



Ymgeiswyr annibynnol Meryl Gravelle	Plaid Cymru the party of Wales	Ymgeiswyr annibynnol Meryl Gravelle	Plaid Cymru the party of Wales
-------------------------------------	--------------------------------	-------------------------------------	--------------------------------

Mwyafrif o 324 yn 2004

Mwyafrif o 57 yn 2008

Ymgeisiodd Plaid Cymru am sedd Llangynnwr am y tro cyntaf yn 2004 a llwyddo i gael traean credadwy o'r pleidleisiau yn erbyn Cyngorydd Annibynnol, sefydledig, sef Merlin Jones. Erbyn 2008, torrwyd y mwyafrif Annibynnol dros 80% gan greu sedd mwyaf ymylol y sir. Roedd angen i ddim ond 29 o bobl newid eu pleidlais i Plaid Cymru er mwyn ennill y sedd.

Canlyniadau is-etholiadau diweddar yng Nghenarth a Llanegwad oedd bod y Plaid wedi ennill yn erbyn ymgeiswyr annibynnol. Ymgeisydd y Plaid yw Elwyn Williams, cadeirydd y Pwyllgor Cyllid yn y Cyngor Cymuned. Fe'i etholwyd yn ddiweddar yn gadeirydd llywodraethwyr Ysgol Llangynnwr. Dywed Elwyn, " Mae canlyniadau canfasio'n bositif ac mae nifer o etholwyr wedi dweud

bod angen newid yn Neuadd y Sir".

Yr ymgeisydd annibynnol yw David Watson. Dros flwyddyn yn ôl fe'i enwebwyd heb wrthwynebiad ar ran ward y dwyrain. Mae David yn wreiddiol o Lundain cyn iddo symud i Abertawe i weithio i'r cyngor..

Mae David wedi gwario 2 flynedd allan o'i 6 mlynedd yn byw yn Llangynnwr yn cydweithio gyda'r corff llywodraethol ar ôl iddo gael ei.gyf-ethol

Unigolion sydd wedi'u henwebu am y cyngor cymuned

Ward y Dwyrain (5 sedd)

- (1) Robin Griffiths * Annib.
- (2) Sulwyn Thomas*
- (3) Paul Totterdale*

- (4) David Watson* Annib.
- (5) Elwyn Williams* Plaid Cymru

Ward y Gorllewin (8 sedd)

- (1) Geraint Bevan* Plaid Cymru

- (2) Robin Griffiths* Annib.

- (3) Sarah Howells*

- (4) Merlin Jones*

- (5) Audrey Jones*

- (6) Glenda Jones* Wedi ymddeol

- (7) David Watson* Annib.

- (8) Alun West *

- (9) Lee Whatley

Trwm – Disgrifiad/Plaid

*Y Cyngorwyr sydd yn sefyll am ail-etholiad.

Mae Griffiths & Watson yn sefyll am etholiad yn y ddau ward.

Cyngordd Stryd Downing

Yn ddiweddar, canodd Côr Hÿn Ysgol Bro Myrddin, sydd yn cynnwys nifer o ddisgyblion o Langynnwr yn Rhif 10, Stryd Downing. Uchafbwynt yr ymweliad oedd pan gyrrhaeddodd nifer o chwaraewyr o dîm rygbi Cymru.

Codi arian i'r ysgol

Mae'r Cyngorydd Glenda Lloyd yn trefnu sioe ffasiynau i godi arian i Ysgol Llangynnwr ar y 3ydd o Fai yn dechrau am 7.00 yn yr ysgol. Pris y tocynnau yw pum punt ac maent ar gael yn yr ysgol. Bydd y sioe'n cynnwys dillad ar gyfer pob oed a bydd gwesteion yn gallu prynu dillad ar ddiwedd y sioe. Bydd lluniaeth ysgafn ar gael.

Cymorthfeydd Lleoliad yr Heddlu

Bob dydd Mercher yn archfarchnad Morrisons rhwng 15.00 a 16.00.

Yr Aelwyd, Tregynnwr bob dydd Llun rhwng 16.00 a 18.00.

H.I. EVANS & FEIBION
Llaethdy Penymorfa
Llaeth Ffres Pasteuredig o'r Fferm
Papur Newydd
Hufen ac wyau ffres
cludiant dyddiol
Ffôn (01267) 236972



MUDIAD YSGOLION MEITHRIN

Cylch Meithrin Llangynnwr

Dydd Llun, Mawrth, Iau a Dydd Gwener (Mon, Tues, Thurs & Fri)

9.00 – 11.30 £2.50 sesiwn

Ysgol Llangynnwr

Cwpan Gwyl Afon Llangynnwr
Cytunodd Cyngor Cymuned Llangynnwr gefnogi Gwyl Afon Tywi eleni drwy noddi un ras gyda chwpan. Mae'r wyl benwythnos (Mehfin 30ain-Gorffennaf y 1af) yn ran boblogaidd a chyson yng nghalendr yr haf. Croesawyd y penderfyniad gan y Cyng. Paul Trotterdale, sy'n gynrychiolydd o'r cyngor ar Bwyllgor Gwyl yr Afon ac awgrymodd y gallai'r cyngor ystyried noddi ras rafft neu gwrwgl.

Codi amheuan dros ddatblygiad
Cododd cynghorwyr ar bwyllgor cynllunio lleol y cyngor gwestiynau am y datblygiad tai arfaethedig gyferbyn â Pharc Rhufeinig. Tynnodd datblygwyr yn ôl ar ôl i waith dechreuol

ddangos bod angen gwaith sylfaenol, sylweddol ar y cae nad yw'n draenio dŵr yn llwyddiannus.

Cwynion o Dir Ysgawen
Bu trigolion y Nhir Ysgawen yn cwyno am arogleuon sydd efallai'n dod o safle tirlenwi Nantycaws. Yn y gorffennol, derbyniodd Asiantaeth yr Amgylchedd a'r Cyngor Sir gwynion am yr arogleuon a oedd yn tarddu o'r safle. Gweithredodd Cwm Recycling i leihau'r arogleuon drwy wella rheolaeth celloedd tirlenwi.

Myg Brenhinol
Penderfynodd Cyngor Cymuned Llangynnwr gyflwyno myg coffaol o Jiwibili Deiamwnt y

Frenhines i bob plentyn yn y plwyf. Os nad yw'ch plentyn yn ddisgybl yn Ysgol Llangynnwr ac os yw'n oed ysgol gynradd, cysylltwch â'r Clerc, Clive Thomas, os gwelwch yn dda (01267 232665) neu'ch cynghorydd cymuned lleol gyda manylion enw, cyfeiriad ac oed eich plentyn.

Cynulleidfa gyda Sapurna Chattarji

Pen Y Baedd, Caerfyrddin. Ebrill y 19eg am 7.30 .Mynediad-tair punt. Bardd, nofelydd, cyfieithydd ac awdur llenyddiaeth plant yw Sapurna Chattarji gyda naw llyfr wedi'u cyhoeddi a dau ar y gweill. Wedi'i geni yn Ethiopia a'i magu yn Narjeeling, mae'n byw ym Mumbai erbyn hyn. Bydd yn aros gyda Mererid Hopwood yn ystod ei hymweliad â Gorllewin Cymru



Golygfa o'r bwthyn ger mynedfa Eglwys Llangynnwr a beintwyd dros ganrif yn ôl gan BA Lewis. Mae llawer o'i waith yn Amgueddfa Caerfyrddin ac Amgueddfa Genedlaethol Cymru yng Nghaerdydd. Ganwyd Lewis (1857-1946) neu Lewis "Gas" yn 1857 a bu farw ar ei benblwydd 89 mlynedd yn ddiweddarach. Symudodd i Lundain i sefydlu Gwaith Nwy Wantage yn 1866 a gweithiodd yn Cape Town am bedair blynedd cyn dychwelyd yn 1895 i Gaerfyrddin i reoli'r gwaith nwy yn Lôn Morfa.

AS yn cefnogi Elwyn Williams ar gyfer sedd ar y Cyngor Sir.



Yn ddiweddar, ymwelodd AS Plaid Cymru, (Uchod) Jonathan

Edwards â Llangynnwr i gefnogi Elwyn Williams gyda'i ymgais i ennill y sedd yn etholiadau'r cyngor ym mis Mai. Dywedodd yr AS lleol, "Roedd y canfasio'n gadarnhaol iawn a 'dyw hyn ddim yn syndod i fi achos rwy'n gwybod bod Elwyn yn gynghorydd cymuned cydwybodol gyda llawer o barch yn yr ardal".

Grŵp Tadau

Bob dydd Mercher yn Ysgol Llangynnwr rhwng 1.30 a 15.30.



Cefnogir yng Nghaerfyrddin gan ganolfannau teulu Tŷ Ni a Thŷ Hapus.